

固始縣續志卷之二

邑令包 桂纂輯

建置志

城池 街坊

公署 市集

倉廩 舖舍

廟學 津梁

壇社

錫土啟宇厥典尚已郡縣肇自秦漢而建置隆替亦代有不同

皇清統一寰區肇域四海豫省居土中象緯配乎十宿苞符啟乎三辰申畫郊圻慎固封守或升州為府或改衛為縣或折地併邑斟酌咸宜措施盡善固始為豫省之邊封實吳楚之要道城池

固始縣續志

卷之一

建置

一

官廨上拱

神京廟學社壇下昭典禮其他市集津梁皆有關於民命前志按時徵事詳哉言之矣顧五十年來隨時興廢史闕有書制度參差見聞不一又不得不訪求遺獻考証殘碑以繼前人之信筆焉續建置志

城池

城池自康熙二十七年知縣楊汝楫修葺之後康熙五十八年知縣李為度又經修補乾隆八

年南門城樓傾倒署知縣事懷慶府通判孫國柱修造固城嚴竣甲於諸邑自李令修葺後垂三十年外雖雉堞依然內則土基漸削而城之東北隅爲尤甚予於乾隆九年正月蒞任急思所以修補之每於月吉讀法時與縉紳先生言及其事有原任高安令祝前輩曰歲晚務閒公旬三日先王恤民力非不用民力也不違農時非不用於暇時也舊例皆責令四鄉保地每歲十月糾率民夫各管一面縣捐食米日給一升

其薄削甚者釘以木椿編以細竹實土築之費約而歲修故牆無坍塌之患離任官自無賠修之累何法良而意美也余首肯其言緣彼時史河堤傾居民危若朝露急於搶修無暇兼及本年十二月二十六日奉到 藩憲牌行一件欽奉

上諭事內開本司查得城垣乃地方之保障修整爲最要之工程奉准 大學士寄字欽奉

上諭各省城垣殘缺處所令董率有司留心整飭蒙

飭將通省城垣完固殘缺及應存俟代賑興工  
或隨時粘補分別開報等因行據開歸等屬議  
詳前來本司酌議嗣後凡有城垣坍塌之處除  
猝遇暴雨冲壞以及積雨淋塌過多實在工程  
浩大者許據實詳明飭委該管府州親詣確勘  
委無捏飾出具保結造冊申送仍准咨部存俟  
荒年以工代賑外其餘些小坍塌俱責令州縣  
遵照乾隆八年十二月奉到

上諭於農隙之時酌撥本地就近民夫徐爲粘補完

固不許混請動項亦不許請留代賑致生推諉  
其城垣本係完固者遇有坍塌亦卽照此一例  
辦理倘坍塌城垣未經修整卽酌定期勒令  
該州縣修理完固如該州縣玩延不修該府州  
卽以玩視城工詳叅倘該府州通同徇隱或經  
查出或經接任官詳報卽責令該府州分認賠  
修庶因循之陋習可以漸除而未坍之城垣可  
以保固等因詳院奉批如詳通飭在案是則就  
近撥夫官給飯食之說與曩者祝前輩所言若

合符節可知蘋繁藻沚上格天心畢雨箕風下  
從民好

大憲體國經野亦無非率由舊章曲體民情而  
已所願合邑縉紳士子先期佈告里民并先遣  
其佃戶赴工爲民倡則蚩蚩者氓無駭厥聽矣  
修城濠記

治固貴執法以杜私而亦可曲法以濟公予自  
甲子春蒞固始任受事之明日循例閱城予見  
城垣堅固粉堞齊全心竊喜之唯城濠尙多淤

塞思急濬焉未幾而春雨連綿工無所措入夏  
捕蝗至秋乃止冬月修築河堤不能兼顧乙丑  
春二月予相視城濠鳩工開濬但見濠內陸續  
築壩如私塘然詢其由來始知前任甘令賞與  
監卒飼魚唯恐魚之他適也此疆彼界各築一  
壩以故斷斷續續高高下下不成其爲官家濠  
也予曰噫官之不明也吏之多蔽也民之無福  
也物之常屯也檢視前卷雍正十二年知縣甘  
令以禁卒額設八名每名工食銀六兩共四十

八兩除扣荒外每名僅銀一兩二錢不敷該役  
餬口是以將城濠二十四坵令其飼魚招戶佃  
課歲收息四十八兩通詳各憲奉批在案此說  
似矣乾隆三年欽奉

恩旨免其扣荒全給工食斯時守茲土者卽當告  
諸上司歸還公地使水道流通民獲灌溉庶幾  
無疚厥心乃吏役朦混日復一日直至於今是  
禁卒既有公家之食又侵網罟之利當日求四  
十八兩而不得者今則倍於四十八兩誰其察

之而誰其縱之予將通詳飭禁恐 上憲咎從  
前之失察究已往之侵漁是顯人過也躊躇以  
之稿成而棄因思去年三月予捐建監廩五間  
添設禁卒二名每年捐給工食十二兩俱各稟  
明上憲在案是則禁卒比前多有二名而捐項  
無看予令濠內壩埂悉行拆毀而但以竹籬斷  
之斷內之魚仍聽禁卒收租然竹籬稀疎不無  
小魚潛逸難責照舊完稞今酌減十分之三計  
存三十三兩除給新禁卒二名工食十二兩外

餘銀二十一兩十人再行公分是禁卒十人每名又多得二兩有零如是則濠水流通遇旱可以救附近之田遇淹可以洩城內之永蓄魚得稞者亦不至大失所望已成之業曲法變通庶幾吏民兩利公私交濟乎如曰疾惡務盡奚以不除其根苗也予不能爲已諱且亦不能爲前人諱矣

公署

各衙門房間地址俱載前志唯縣廨內宅舊有

思過閣五間不知圯於何年荒菁蔓草中猶有殘碑其文曰固陵爲天中疆界接壤吳楚襟帶江淮爲楚大夫孫叔敖故里攷古風俗敦禮義崇節儉盖有先王之遺風焉縣治建以西北隅以期思生氣來自乾地故乃爾也歷來修葺不可勝紀世代遷流未免風雨摧殘門戶更易欲如從前之高下左右次第不紊者盖難矣况數經兵燹文獻斷殘父老存亡大半且邑志書闕去數葉憑何考較况爲長吏者視爲郵舍居之

不疑耶余以

皇清之順治十二年八月受

簡命是年十二月來令茲土考其縣志內載前之令  
此地者非陟清華卽登部寺雖曰清廉卓異平  
易慈良不等而居恒出入亦無誕怪驚異事及  
問之已卯庚辰以及乙酉丙戌後蒞此土者縱  
有神明惠愛之令非有物論卽坐天拆且宅內  
不寧恠誕疊見而年歲比比大禋人心亦就刁  
悍人事不齊歟風氣爲之也余曰嘻必有說以

處此敦楚中孝感施堪輿名仁者來熟視之乃  
曰縣治後必有一閣方可余確商之同寅紳士  
僉曰然時丞此地者濟陽任公博學好搜於舊  
家博士弟子員得古縣志玩縣治圖其後巍然  
一閣是爲思過閣任公韻矣堪輿奇甚於是不  
忍動公家帑捐俸求單氏出售之舊木石司訓  
王公同縣尉毛君敦以售之不忍使公家民給  
以米食工匠而來之不及月餘復成當年之思  
過閣矣以固始之土木成固始之公署匪第縣

治復當年之弘麗抑且形勢壯百里之雄風猗  
歟休哉士民咸稱改觀矣嗣今以往余故思過  
而登斯閣也後之君子亦將有感於斯文

皇清順治十三年歲次丙申小春之吉

勅授文林郎知固始縣事陽城張擇中撰嗣是年深  
月以風雨敗落幾及百年竟成白地乾隆九年  
縉紳柯喬年等以事閔風水議請建造知縣包  
桂捐銀五十兩并各紳捐銀多寡不等開工於  
八月二十一日落成於十一月初五日亦豎碑

固始縣續志

卷之一

建置

八

作誌其文曰余儒者不言禍福審矣歲甲子春  
王蒞茲邑積案纍纍如拔木開道如拂刺除荆  
亦云憊矣夏六月飛蝗過境口瘖手拮兩閱月  
而田禾無傷或曰神助或曰民福余竊意蠹賊  
雖不爲灾而篝車未能滿足詎意秋收大有倍  
於往昔則誠神助而民福也余深喜之九月公  
務稍暇偶至署後 蔓草菁菁無落足處思  
芟柞之構一椽以爲公餘靜攝之所忽於頽垣  
間得有殘碑始知署後原有樓名曰思過且有



繫乎閭邑之休咎衆官之安危故前人急急乎  
爲之爲之而又恐後人之傾頽廢棄而諄諄乎  
白之前人豈欺余哉雖然余固儒者也不言禍  
福寧以居宅而勞民力越數日讀法公所 縉  
紳先生有言固始文風原盛近以縣署鵬形而  
戢其尾故科名稀少今秋榜發僅舉一人非其  
驗歟余曰先生言有合鄙意余正思築斯樓也  
一恐傷民力一恐有識者笑余之惑於禍福也  
故不敢今始知文運攸關余將奮臂而興土木

易其名曰 文昌閣上奉 梓潼以助閭邑文  
星可乎 諸縉紳欣然請命余媿力綿薄捐俸  
金以創始同志君子輸工作者風發潮湧不一  
月而落成余非喜茲樓之成可以安居而靜攝  
也余深喜茲樓之成將以聯奎而拱壁也禍福  
云乎哉

勅授文林郎知固始縣事錢塘包桂撰

倉廩

康熙三十三年前共廩一十九間載前志

康熙四十八年知縣朱騰蛟奉文建造仁義禮  
智信字號倉廩五間

雍正六年知縣程嘉祚奉文建造漕倉恭寬信  
敏惠字號共十間

雍正八年知縣張惟漢奉文建造餘字號倉廩  
二間

乾隆二年知縣姚錦川奉文建造廣盛字號倉  
廩六間

乾隆五年知縣李春煥奉文捐監添造富足盈

固始縣續志

卷之一

建置

十

慶安寧長太平字號共廩三十間

乾隆十年知縣包桂詳請捐造廣大字號共廩  
五間

以上共廩七十五間存貯常平穀三萬七千  
零六十五石八斗五升六合四勺八撮二圭  
漕穀五千七百零一石四斗

廟學

前志僅詳廟宇間數未詳  
所奉聖賢位次特補入

大成殿 明倫堂

崇聖祠 名宦祠 鄉賢祠 奎星閣

文廟先賢先儒位次

東配西向

復聖顏子之位

述聖子思子之位

西配東向

宗聖曾子之位

亞聖孟子之位

東哲西向

先賢閔子之位

固始縣續志

卷之一

建置

十一

先賢冉子之位

先賢端木子之位

先賢仲子之位

先賢卜子之位

先賢有子之位

西哲東向

先賢冉子之位

先賢宰子之位

先賢冉子之位

先賢言子之位

先賢顓孫子之位

先賢朱子之位

東廡

先賢蘧子瑗之位

先賢澹臺子滅明之位

先賢原子憲之位

先賢南宮子适之位

先賢商子翟之位

固始縣續志

卷之一

建置

十二

先賢漆雕子開之位

先賢司馬子耕之位

先賢梁子鱣之位

先賢冉子孺之位

先賢伯子虔之位

先賢冉子季之位

先賢漆雕子徒父之位

先賢漆雕子哆之位

先賢公西子赤之位

先賢任子不齊之位

先賢公良子孺之位

先賢公肩子定之位

先賢鄔子單之位

先賢罕父子黑之位

先賢榮子旂之位

先賢左人子郢之位

先賢鄭子國之位

先賢原子亢之位

先賢廉子潔之位

先賢叔仲子會之位

先賢公西子輿之位

先賢邾子翼之位

先賢陳子亢之位

先賢琴子張之位

先賢步叔子乘之位

先賢秦子非之位

先賢顏子噲之位

先賢顏子何之位

先賢縣子亶之位

先賢樂正子克之位

先賢萬子章之位

先賢周子敦頤之位

先賢程子顥之位

先賢邵子雍之位

先儒穀梁子赤之位

先儒伏子勝之位

固始縣續志

卷之一

建置

十四

先儒后子蒼之位

先儒董子仲舒之位

先儒杜子子春之位

先儒范子甯之位

先儒韓子愈之位

先儒范子仲淹之位

先儒胡子瑗之位

先儒楊子時之位

先儒羅子從彥之位

先儒李子侗之位

先儒張子栻之位

先儒黃子幹之位

先儒眞子德秀之位

先儒何子基之位

先儒趙子復之位

先儒吳子澄之位

先儒許子謙之位

先儒王子守仁之位

固始縣續志

卷之一

建置

十五

先儒薛子瑄之位

先儒羅子欽順之位

先儒陸子隴其之位

西廡

先賢林子放之位

先賢宓子不齊之位

先賢公冶子長之位

先賢公哲子哀之位

先賢高子柴之位

先賢樊子須之位

先賢商子澤之位

先賢巫馬子施之位

先賢顏子辛之位

先賢曹子邴之位

先賢公孫子龍之位

先賢秦子商之位

先賢顏子高之位

先賢壤駟子赤之位

固始縣續志

卷之一

建置

十六

先賢石作子蜀之位

先賢公夏子首之位

先賢后子處之位

先賢奚容子蒧之位

先賢顏子祖之位

先賢勾子井疆之位

先賢秦子祖之位

先賢縣子成之位

先賢公祖子句茲之位



先賢燕子伋之位

先賢樂子欬之位

先賢狄子黑之位

先賢孔子忠之位

先賢公西子蒧之位

先賢顏子之僕之位

先賢施子常之位

先賢申子枏之位

先賢左子邱明之位

固始縣續志

卷之一

建置

十七

先賢秦子冉之位

先賢牧子皮之位

先賢公都子之位

先賢公孫子丑之位

先賢張子載之位

先賢程子頤之位

先儒公羊子高之位

先儒孔子安國之位

先儒毛子萇之位

先儒高子堂生之位

先儒鄭子康成之位

先儒諸葛子亮之位

先儒王子通之位

先儒司馬子光之位

先儒歐陽子修之位

先儒胡子安國之位

先儒尹子焯之位

先儒呂子祖謙之位

先儒蔡子沈之位

先儒陸子九淵之位

先儒陳子淳之位

先儒魏子了翁之位

先儒王子栢之位

先儒許子衡之位

先儒金子履祥之位

先儒陳子獻章之位

先儒陳子澔之位

先儒胡子居仁之位

先儒蔡子清之位

壇社

詳前志  
無可續

街坊

節孝坊在邵父街乾隆九年為許志行妻周氏

建

賢孝坊在南門內乾隆二年為監生張邦彥妻

邵氏建

節孝坊在南門內乾隆十年為朱廷敬妻閔氏

固始縣續志

卷之一

建置

十九

建

節孝坊在東關史湖街康熙五十四年為田象

英妻熊氏建

節烈坊在東鄉温家集雍正十年為金銘妻周

氏建

貞孝坊在西鄉范家埠乾隆七年為貞女孫氏

建

市集

詳前志  
無可續

舖舍

舖司房舍俱載前志不復贅惟是  
名數工食銀數前志未詳今續補入

縣前舖司 額設十六名

東路五舖 每舖二名共十名

西路六舖 每舖二名共十二名

南路三舖 每舖二名共六名

共設舖司四十四名乾隆三年額設每名銀

六兩每年四季共支工食銀二百六十四兩

雍正十三年知縣甘曰廣體卹西路六舖上

下公文往來絡繹捐給養廉於每舖附近置

田六畝舖司收租以垂久遠乾隆四年署知

固始縣續志

卷之一 建置

二十

縣金修理完固報明在案

津梁 前志所遺  
今特補入

朱臯鎮關 在邑東北  
六十里 定城關 在邑南一百二十  
里北齊置隋廢